

"TAQWA DALAM PERKHIDMATAN"

تَمُوتُنَّ إِلَّا وَأَنتُم مُّسْلِمُونَ.

Sidang Jumaat Para Tetamu Allah Sekalian,

Saya berpesan kepada diri saya sendiri dan kepada sidang Jumaat sekalian, marilah kita bertaqwa kepada Allah dengan menjunjung segala perintahnya dan menjauhi segala larangannya, serta kita mengikut segala sunnah Rasulullah saw dengan beramal apa yang disuruhnya dan



menghindarkan segala yang ditegahnya.Mudah-mudahan apabila kita menjadi insan bertaqwa, kita akan mendapat kemenangan di dunia dan di akhirat.

Bersempena dengan hari pekerja yang jatuh pada 1 Mei saban tahun, mimbar ingin mengajak para jemaah untuk menghayati khutbah yang bertajuk "*Taqwa Dalam Perkhidmatan*".

Sidang Jumaat Yang Dirahmati Allah,

Islam menjadikan kerja sebagai tuntutan fardhu atas semua umatnya bagi setiap individu yang mampu bekerja untuk mencapai kebahagiaan samada untuk dirinya mahupun masyarakat.

Firman Allah SWT. dalam surah at-Taubah ayat 105:

"Dan katakanlah (Wahai Muhammad): beramallah kamu (akan segala yang diperintahkan), maka Allah dan RasulNya serta orang-orang yang beriman akan melihat apa yang kamu kerjakan; dan kamu akan dikembalikan kepada (Allah) yang mengetahui perkara-perkara yang ghaib dan yang nyata, kemudian ia menerangkan kepada kamu apa yang kamu telah kerjakan".

Perkhidmatan berdasarkan kepada taqwa dan terisi dengan nilai-nilai Islam adalah rahsia suatu pencapaian itu hebat dan utuh sepanjang zaman.



Nilai-nilai murni Islam tidak akan terhakis walaupun zaman sentiasa berubah kerana Islam itu tetap terus relevan pada semua tempat, keadaan dan masa.

Taqwa dalam perkhidmatan akan membawa sesuatu kerja kita ke arah keelokan, keindahan, kegemilangan dan kecemerlangan. Ia juga mendorong kita melakukan sesuatu kerja dengan tekun dan bersungguh-sungguh dengan mencurahkan seluruh masa, tenaga dan pemikirannya untuk mencapai kejayaan yang cemerlang. Tujuannya adalah untuk memberikan manfaat kepada masyarakat dan umat Islam.

Hadis daripada Aishah RA. bahawa Rasulullah SAW. bersabda:

"Sesungguhnya Allah sangat suka apabila seseorang itu melakukan sesuatu pekerjaan dilakukannya dengan tekun".

(Riwayat al-Baihaqi).

Untuk mencapai taqwa dalam perkhidmatan, sesuatu kerja mestilah memenuhi syarat-syarat berikut:

1. Niat bekerja kerana Allah.

Setiap pekerjaan atau usaha yang dilakukan seseorang hamba akan dinilai mengikut sejauh mana niatnya. Sekiranya niat itu, semata-mata untuk mencari keredhaan Allah SWT, maka ia akan mendapat keredhaan daripada Allah SWT dan seterusnya mendapat ganjaran pahala.

Firman Allah SWT dalam Surah al-Baqarah ayat 207:



وَمِنَ ٱلنَّاسِ مَن يَشْرِى نَفْسَهُ ٱبْتِغَآءَ مَنْ ضَاتِ ٱللَّهِ وَٱللَّهُ رَءُوفُ بِٱلْعِبَادِ ﴿

"Dan di antara manusia ada yang mengorbankan dirinya kerana mencari keredaan Allah semata-mata; dan Allah pula amat belas-kasihan akan hamba-hamba-Nya".

2. Bekerja dengan bersungguh-sungguh untuk mencapai kecemerlangan.

Melaksanakan kerja dengan bersungguh-sungguh merupakan tuntutan agama yang mempunyai kaitan secara langsung dengan nilai ibadat itu sendiri.

Firman Allah dalam Surah An-Nahl ayat 97:

"Sesiapa yang beramal soleh, dari lelaki atau perempuan, sedang ia beriman, maka sesungguhnya Kami akan menghidupkan dia dengan kehidupan yang baik; dan sesungguhnya Kami akan membalas



mereka, dengan memberikan pahala yang lebih dari apa yang mereka telah kerjakan".

3. Bekerja mencari rezeki yang halal.

Keperluan mencari rezeki yang halal atau mencari sara hidup yang diredhai Allah adalah suatu kewajipan kepada individu muslim.

Ini dijelaskan dalam sebuah hadis daripada Anas B. Malik RA. bahawa Rasulullah SAW. bersabda :

Mencari yang halal itu fardhu.

(Riwayat ad-Dailami)

4. Menerapkan nilai budaya kerja Islam.

Setiap pekerjaan yang dilaksanakan mestilah selari dengan syariat Islam.

Firman Allah SWT dalam Surah al-Baqarah ayat 208:



"Wahai orang-orang yang beriman! masuklah kamu ke dalam agama Islam (dengan mematuhi) segala hukum-hukumnya; dan janganlah kamu menurut jejak langkah Syaitan; sesungguhnya Syaitan itu musuh bagi kamu yang terang lagi nyata".

5. Sentiasa menjaga hubungan dengan Allah SWT.

Kita hendaklah sentiasa menunaikan kewajipan terhadap Allah SWT dengan menunaikan kefardhuan solat lima waktu, menutup aurat, menunaikan zakat dan menjaga batas-batas pergaulan antara lelaki dan perempuan yang bukan mahram serta tata susila agar tidak terjerumus kepada maksiat.

Firman Allah dalam Surah al-Bagarah ayat 110:

"Dan dirikanlah oleh kamu akan sembahyang dan tunaikanlah zakat dan apa jua Yang kamu dahulukan dari kebaikan untuk diri kamu, tentulah kamu akan mendapat balasan pahalanya di sisi Allah. Sesungguhnya Allah sentiasa melihat Segala Yang kamu kerjakan".

6. Amanah dalam bekerja.



Hendaklah sentiasa menjaga amanah bekerja seperti menjaga waktu bekerja, menjaga harta, menunaikan tanggungan kerja dan tidak sama sekali terjebak kepada penyelewengan seperti rasuah, pecah amanah, salah laku dan salah guna kuasa.

Firman Allah SWT dalam Surah al-Anfal ayat 27:

"Wahai orang-orang yang beriman! janganlah kamu mengkhianati (amanah) Allah dan RasulNya, dan (janganlah) kamu mengkhianati amanah-amanah kamu, sedang kamu mengetahui (salahnya)".

7. Berakhlak mulia.

Dalam melaksanakan pekerjaan hendaklah sentiasa ceria, mesra pelanggan, tidak membeza-bezakan kedudukan dan pangkat.

Hadis daripada Abu Hurairah RA. bahawa Rasulullah SAW. Bersabda:

"Orang-orang mukmin yang paling sempurna imannya adalah mereka yang paling baik akhlaknya".

(Riwayat at-Tirmizi).



Mudah-mudahan apabila kita telah memahami cirri-ciri pentingnya nilai taqwa dalam perkhidmatan ini akan membuahkan hasil yang baik dalam kerjaya dan kehidupan kita.

Oleh itu, marilah kita sama-sama berusaha menjadikan cirri-ciri yang disebutkan tadi sebagai panduan dalam pekerjaan kita. Mudah-mudahan dengan itu kita mendapat keberkatan dan keredhaan Allah SWT.

"Dia lah (Allah) yang menjadikan bumi bagi kamu: mudah digunakan, maka berjalanlah di merata-rata ceruk rantaunya, serta makanlah dari rezeki yang dikurniakan Allah; dan (ingatlah), kepada Allah jualah (tempat kembali kamu sesudah) dibangkitkan hidup semula; (maka hargailah nikmatNya dan takutilah kemurkaanNya)".

(Surah al-Mulk: 15)



بَارَكَ اللهُ لِيْ وَلَكُمْ بِالْقُرْآنِ الْعَظِيْمِ, وَنَفَعَنِيْ وَإِيَّاكُمْ بِمَا فِيْهِ مِنَ الْآيَاتِ وَالدِّكْرِ الْعَظِيْمِ, الْآيَاتِ وَالدِّكْرِ الْحَكِيْمِ وَتَقَبَّلَ مِنِّيْ وَمِنْكُمْ تِلاَّوَتَهُ, إِنَّهُ, هُوَ السَّمِيْعُ الْعَلِيْمُ.

أَقُولُ قُولِيْ هَاذَا وَأَسْتَغْفِرُ اللهَ الْعَظِيمَ لِيْ وَلَكُمْ وَالْمُسْلِمَاتِ، وَلَكُمْ وَالْمُسْلِمَاتِ، وَالْمُسْلِمَاتِ، فَاسْتَغْفِرُوهُ إِنَّهُ مَهُوَ الْغَفُورُ الرَّحِيمُ.



KHUTBAH KEDUA

وَبَار



م وَالأَمْوَات الْنْكُ مَذَ سك ل و صفاتك العُظمَ [لرسَّانيَّةِ وَبحِفظِ وقايَتِكَ الصَّمَدَ الْمُعَظِّم سُلْطَان لهداية عَهْدِ لوكي شُرَف أُمْنِ وَصَلاحٍ وَعَافِيَةٍ بِمَنِكَ وَكَرَمِكَ يَا



ذَاالْجَلَالَ وَالإِكْرَامِ. اَللَّهُمَّ أَطِلْ عُمْرَهُمَا مُصْلِحَيْنِ لِلْمُوَظَّفِيْنَ وَالرَّعِيَّةِ وَالْبِلَادِ، وَبلِّغْ مَقَاصِدَهُمَا لِطُريق الْهُدَىٰ وَالرَّشَادِ.

رَبُّنَا هَبْ لَنَا مِنْ أَزُوَ جِنَا وَذُرِّيْتِنَا قُرُّةً أَعْيُنِ وَالْجُعَلْنَا لِلْمُتَّقِينِ إِمَامًا. رَبُّنَآ ءَاتِنَا فِي اللَّهُ نَيَا حَسَنَةً وَقِنَا عَذَابَ النَّارِ. عِبَادَ طَسَنَةً وَقِنَا عَذَابَ النَّارِ. عِبَادَ الله، إِنَّ الله يَأْمُرُ بِالْعَدلِ وَالْإِحْسَنِ وَإِيتَآيِ ذِي الله يَعْظَمُ الله عَنِ الْفَحْشَآءِ وَالْمُنكِرِ وَالْبَغِي أَلْقُحُمْ لَعَلَّكُمْ لَعَلَّكُمْ تَذَكُرُونَ فَي الله عَنْ الله عَلْمُ الله عَنْ اله عَنْ الله ع

فَاذْكُرُواْ الله الْعَظِيمَ يَذْكُرْكُمْ وَاشْكُرُوهُ عَلَىٰ نَعَمِهِ مَ يَزِدْكُمْ، وَاسْأَلُوهُ مِنْ فَضْلِهِ يَعْطِكُمْ وَاسْأَلُوهُ مِنْ فَضْلِهِ يَعْطِكُمْ وَلَذِكُرُ الله أَكْبَرُ وَاللَّهُ يَعْلَمُ مَا تَصْنَعُونَ.